



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Komuna e Klinës

Kuvendi i Komunës

01Nr. 06- 3245 2024

Klinë, 30.01.2024

PROCESVERBAL

Nga mbledhja e Kuvendit të Komunës së Klinës, mbajtur me datë 22. 12. 2023, në sallën e Kuvendit, nisur nga ora 10:00.

Pjesëmarrës në mbledhje: Anëtaret e Kuvendit të Komunës, kryetari i Komunës, z. Zenun Elezaj, drejtorët e Drejtive, përfaqësues të policisë së Kosovës, përfaqësues të OSBE, Mediat lokale si dhe qytetarë.

Mbledhjen e hapi kryesuesi i kuvendit z. Fadil Gashi i cili përshëndeti të pranishmit duke ju uruar mirëseardhje në seancën e 11 të rregullt të kuvendit të komunës.

Kryesuesi Gashi pasi tha se materiali bashkë me rendin e ditës është shpërnda me kohë dhe kërkoj që të deklarohen rreth rendit të ditës.

z. Zafer Gashi: Përshëndetje për të gjithë, Në emrin tim dhe të grupit të LVV ju uroj festat e fund vitit. Rreth pikës 13 të rendit të ditës, raporti i kryetarit të komunës, dua të dijë nese kemi të drejt për debat. Po ashtu, kërkesa e jonë në lidhje me fabrikën e çimentos dhe vendimit të themelores është premtuar që do të diskutohet. Ka kaluar çdo afat ku ne si asamble komunale duhet të veprojmë sikurse që duhet veprimi i kryetarit të komunës për tërheqjen e lejeve të dhëna pas atij vendimi të Gjykatës.

z. Fadil Gashi kryesues tha se çdo anëtar i kuvendit ka të drejtë që të debatoj pasi të përfundon reportin kryetari por ai report nuk do të vendoset në votim.

Me 27 vota për u miratua Rendi i ditës.

Pika 1 e Rendit të Ditës: Arsyetimi i mungesave

-Prezent në kuvend janë 27 anëtarët e kuvendit

Pika 2 e Rendit të Ditës: Shqyrtimi dhe aprovimi i procesverbalit të seancës së kaluar

Me 27 vota për asnjë kundërshtim u MIRATUA.

Pika 3 e Rendit të ditës: Rekomandimet e KPF-së.

- z. Esat Raci:** Përshëndetje. Sa i përket kérkesës së OVL të UCK , kuvendi s` ka nevojë të diskutoj fare sepse ky kuvend ka votuar për një herë. Mbetët vetëm që të gjendët forma e subvencionimit për këto kategori të ndjeshme të shoqërisë sonë.
- z. Valmir Bacaj:** Përshëndetje: Kérkesën e OVL e kemi pasur edhe më përpara dhe kemi marrë vendim që me rishikim të buxhetit të realizohet kjo kérkesë por rishikim nuk ka ndodhur. Tani mbetet që të gjinden forma të tjera ku drejtoria e financave mund të na tregoj. Ne si grup kuvendar jemi dakord që kjo të gjeje zgjidhje në kategorinë e subvacioneve.
- z. Zenun Elezaj, kryetar i Komunës:** Përshëndetje për të gjithë të pranishmit. E kemi diskutuar disa herë këtë çështje dhe ne mund të dalim shumë përkrahës tanë por duhet të dimë se çfarë mund të ju japim. Ligji për subvacione e shpjegon formën e dhënies së subvacioneve. Ne do të bëjmë shpallje publike për subvacione dhe ata duhet të konkurrojnë me projekt. Asambleja komunale dhe çdo njeri nga ne jemi që të i mbështesim OVL dhe aktivitetet e tyre por paga nuk na lejohet të japim. E vëtmja mënyrë është përmes thirrjes publike dhe aplikimit të tyre me projekt.
- z. Arben Limanaj:** Edhe ne si grup jemi në mbështetje të OVL dhe kërkimit të formave se si të ju ndihmohet dhe realizohet kérkesa që ne e kemi aprovuar në këtë kuvend.
- z. Fadil Gashi, kryesues:** Duke filluar nga fjala e Esatit, Valmirit dhe Arbenit , ne duhet të gjejmë formën më të mirë. Kur ta përfundojmë seancën zyrtari Ahmet Berisha duhet të diji se si ta bëjë vendimin, kjo është shumë e rëndësishme prandaj ta kthjellojmë këtë punë. Pra, pajtohemi si Kuvend që Ekzekutivi ta implementoj kérkesën e OVL me projekt kur të hapet thirrja publike për subvacione.
- z. Zafer Gashi:** Në lidhje me këtë rekomandim, pajtohemi plotësisht se ata e meritojnë përkrahjen financiare shkaku i aktiviteteve të shumta që aknë. Është mirë që të i përbahemi ligjit por ata të gjejnë variante të konsultohen edhe juridikisht se si të i përpilojnë kérkesat e tyre për të marrë subvacione. Dua gjithashu të pyes se a ka informacione se sa mjetet ju janë dhënë këtyre kategorive në këtë mandat dy vjeçar.
- Znj. Fatjona Gashi, drejtoreshë e DKRS:** Përshëndetje . OVL dega në Klinë është përkrahur gjatë këtyre dy viteve dhe shuma e përgjithshme që juas është dhënë deri tanë është 5 mijë euro. E diji që kjo nuk është e mjaftueshme por DKRS gjatë kësaj periudhe i ka subvencionuar edhe 25 klube sportive, OJQ rinore dhe kulturore. Për vitin 2024 është paraparë rritje e subvacioneve për këtë kategori. Gjithashu këto kategori në aktivitetet e tyre ne i mbështesim vazhdimisht edhe me automjete zyrtare, zërim në rast të akademive përkujtimore dhe organizime të ndryshme.

z. Zafer Gashi: U sqarua që goxha një shumë cenka dhënë. Unë nuk e kam dijt se kanë marr këtë shumë jashtë përkrahjes me zërim, transport etj. Nëse është nevoja komuna të ofroj ndihmë juridike se si të përpilojnë kërkesat për subvencione të mëtutjeshme.

Kryesuesi Gashi tha se tani e ka pak më të lehtë për përpilimin e kësaj dhe kjo të jetë Rekomandim. Një rekomandim që subvencionimi të bëhet sipas projekteve që paraqesin shoqatat pasi të bëhet thirrja publike për subvencionime.

z. Esat Raci: Vullneti i të gjithëve është që të ndihmohen këto shoqata. Pas vendimit tonë ka pasur edhe tre ose katër kërkesa nga shoqatat, ata kanë dërguar edhe formën se si këtë e ka zgjedhur Komuna e Prishtinës. Unë kërkoj që në vitin 2024 ekzekutivi të shkoj dhe të i takoj këto shoqata dhe të diskutojnë bashkë mënyrën e gjetjes së zgjidhjes për realizimin e kërkesës së tyre.

Kryesuesi tha se ne nuk mund të i ndihmojmë OVL-të me një vendim ku nesër na kthen të paligjshëm ministria e linjës, Ndihma është kur shkojmë në hapa të sigurt.

Rekomandimin e vuri në votim kryesuesi dhe me 27 vota për asnjë kundër dhe asnjë abstenim U MIRATUA

Po ashtu në bllok u votuan të gjitha rekomandimet e tjera që janë në rend të ditës dhe me 27 vota për asnjë kundër dhe asnjë abstenim U MIRATUA

Pika 4 e Rendi të Ditës: Shqyrtimi dhe miratimi i draft planit të punës së kuvendit dhe kalendarit për mbajtjen e mbledhjeve për vitin 2024.

Kryesuesi tha se në KPF është shqyrtuar dhe janë dakorduar që të kaloj në Kuvend. Ai tha se edhe komitetet e tjera do ta plotësojnë këtë.

z. Zafer Gashi: E pash në planin e punës, vizitën në Kroaci. A ka mundësi që ne të cilët nuk kemi qenë në Turqi të rjmë pak më gjatë në Kroaci. Dy ditë jeni mysafirë të mi në Kroaci.

Me 27 vota për asnjë kundër dhe asnjë abstenim u MIRATUA

Pika 5 e Rendit të ditës: Shqyrtimi dhe miratimi i propozim listës së përgjithshme të pronave të cilat parashihen të epen në shfrytëzim gjatë vitit 2024.

z. Nikson Dakaj, drejtor i Kadastrit: Përshëndetje të gjithëve. Duke u bazuar në ligjin për dhënie në shfrytëzim dhe këmbim të pronave të paluajtshme të Komunës si dhe rregulloren me numër 09/2020 ku parashihet se pronat që jepen në shfrytëzim duhet të miratohen nga Kuvendi Komunal çdo fund vit, duke marr parasysh interesin e përgjithshëm publik dhe zhvillimin ekonomik të komunës. Po ashtu listës së veçantë i shtohet edhe një parcelë e cila për shkaqe teknike nuk është dërguar me kohë në kuvend, parcela 99/5, dokumentacionin e keni të bashkangjitur.

Kryesuesi theksoi se fillimisht nëse ka dikush të diskutoj për listën e përgjithshme.

z. Esat Raci: Për këto dy pikat të rendit të ditës a e bënë këtë punë komisioni që e kemi zgjedhur ne apo ekzekutivi.(për këtë pyetje morri përgjigjen se është komision i formuar).

Kryesuesi tha se për çdo kërkesë që kemi për dhënie në shfrytëzim duhet të nxjerrim një komision. Nuk vlen një komision për të gjitha.

z. Valmir Bacaj tha se nuk jemi duke vendosur se kujt me ju dhënë në shfrytëzim e kujt jo por jemi duke vendosur vetëm për listat e pronave që do të epen.

z. Zenun Elezaj, kryetar: Bëhet fjalë për obligim ligjor ku ne duhet ta kemi listën e pronave që do të i japim në shfrytëzim pastaj çdo pako që do të përgatitet vjen në kuvend dhe formohet komision i veçantë. Rasti për të cilën bëhet fjalë , është një stallë e bagëtive që është e ndërtuar me vendim të kuvendit më herët por që i ka skaduar mandati e tanit duhet të i nënshtronhet ligjit të ri. Pala ka bërë kërkesë dhe në momentin e fundit ne e kemi futur në listë sepse nuk mund ta procedojmë pastaj.

z. Zafer Gashi: Kjo ka ardhur edhe një herë tjetër nëse ju kujtohet. Ajo që unë kërkoj, a ka mundësi që ne si asamble komunale ta kemi një broshurë që mund të shpërndahet me sqarime te detajuara edhe në lidhje me emrat e ndryshëm të pronave, fletë informuese për të gjitha pronat. Ta dimë edhe ne edhe ata se ku mund të aplikojnë për cilën hapësirë për cilën sipërfaqe. Besoj që do të ndihmonte shumë që mos të ketë edhe keqkuptime.

z. Zenun Elezaj, kryetar: Komisioni që është formuar do ta nxjerr në ankand publik dhe me siguri do të bëjë sqarime të hollësishme. Është një listë tjetër e pronave të uzurpuara por që është në prokurori. Ne nuk jemi marrur me pronat që janë problematike. Pra, një filtër me i hollësishëm do të bëhet nga komisioni i formuar nga kuvendi.

z. Kolë Prenaj: Përshëndetje. Sa jam i informuar në vitin 2013 është ligji për trajtimin e ndërtimeve pa leje. Zaferit dëshiroj të i jep një sqarim. Pronat publike në menaxhim i ka Komuna, pronat shoqërore janë kompetencë e AKP-së. Ndërsa pronat e pylltarisë janë në kuadër të ministrisë së bujqësisë dhe epen me projekte. Është mirë me i sqaruar qytetarët sepse andej nga Rahoveci qytetarët janë duke marrur shumë prona me projekte.

Me 24 vota për, asnjë kundër dhe asnjë abstenim MIRATOHET lista e përgjithshme e pronave.

Pika 6 e Rendit të Ditës: Shqyrtimi dhe miratimi i listës së veçantë të pronave që parashihen të epen në shfrytëzim gjatë vitit 2024, bashkë me shtesën që e lexoi më herët drejtori Dakaj.

z. Zafer Gashi: Dëshiroi vetëm një sqarim të shkurtë. Pronat që janë në këtë listë të veçantë a aknë qenë të shfrytëzuara deri tanit?

z. Zenun Elezaj, kryetar: Realisht kanë qenë në shfrytëzim por ka skaduar kontrata. Nuk ka ndonjë pengesë ligjore, të gjitha janë lokale të lira që mund të epen me procedura ligjore.

Kryesuesi theksoi se është mirë që të shikohet mirë nga anëtarët e kuvendit se mos ka dikush pretendime me marr ndonjë nga këto lokale sepse do të ishte konflikt interesit votimi.

Me 24 për asnje kundër dhe asnje abstenim MIRATOHET lista e veçantë e pronave.

Pika 7 e Rendit të Dites: Shqyrtimi dhe miratimi i draft strategjisë zhvillimore ekonomike lokale 2024-2029

Kryesuesi tha se që tre vite jemi duke u marrur me këtë dokument dhe askush nga ju nuk ka sjell asnje propozim. Në fund është punuar dhe është sjellë këtu te ju.

z. Esat Raci: Ju faleminderit që keni marrë për bazë propozimet e opozitës dhe në fund e keni sjellë të redaktuar dhe lekturuar. Me ka bërë përshtypje tek vendbanimet e Komunës së Klinës dhe kërkoi që mos ta merr për bazë ekzekutivi sepse ka devijime. Fshati im i lindjes me 27 banorë dhe pesë ekonomi familjare shkruan, këtë kërkoj që mos ta merr për bazë ekzekutivi sepse nuk është e vërtetë.

Kryesuesi tha se në mandatin e kaluar ne e kemi votuar statusin e Komunës së Klinës bashkë me vendbanime dhe është mirë që të përdoren termat zyrtar sipas statusit.

z. Zafer Gashi: Është e vërtetë që nuk kemi vërejtje. Është shkurtuar pjesa e parë, është përcaktuar periudha kohore deri në vitin 2029 etj. Kështu ne do ta votojmë për.

Me 25 vota përasnje kundër dhe asnje abstenim U MIRATUA.

Pika 8 e Rendit të Dites: Shqyrtimi dhe miratimi i draft planit të punës për vitin 2024.

z. Zenun Elezaj, kryetar: Ky plan është hartuar duke u bazuar në nevojat që kanë qytetarët e Klinës dhe ka për qellim rritjen e vazhdueshme e transparencës dhe llogari dhënies. Synimet e projekteve të planifikuara të ekzekutivit për vitin 2024 janë në funksion të realizimit të synimeve kryesore zhvillimore të përcaktuara në dokumentet zhvillimore të Komunës si zhvillim ekonomik, zhvillim të infrastrukturës. Plani është i bazuar kryesisht edhe në dokumentet strategjike që ka nxjerr kuvendi i Komunës si dhe në orientimet strategjike në nivel të vendit. Shumica e projekteve që i kemi miratuar janë të përfshira po ashtu edhe projekte që kanë të bëjnë me eficinencen e energjisë që ka të bëjë me zëvendësimin e ngrohjeve nga me dru dhe lëndë djegëse me ato të pompave termike. Jemi bashkë këtu që të i diskutojmë dhe përmirësojmë nëse ka vend.

z. Zafer Gashi: Mendoj që është interes i secilit që të merret me këto propozime të ardhur nga ekzekutivi dhe kryetari me qellim të qeverisjes më të mirë. Janë disa vazhdimësi të avazit të njëjtë nëpër disa drejtori. Ndoshta duhet ta dimë tek drejtoria e

administratës së përgjithshme, sa vetura do të blihen. Ne nuk e dimë as sa vetuar i ka Komuna e Klinës. Ajo që është një copy past i atyre programeve për investime janë interesante sepse në drejtori të caktuara vazhdojnë investime jo të njëjtë nëpër fshatra të komunës së Klinës. E kam pas problem me gjetë fshatin Resnik për vitin 2024 ose për fshatin Sferkë(këtu ndërpritet fjala nga kryesuesi duke i thënë se mu në këtë moment jam tek faqja ku përmendet fshati Resnik e ke në faqen 42 ndërtimi i rrugëve dhe infrastrukturës në Jashanicë, Resnik, Jelloc. Shumat i keni kur e kemi miratuar buxhetin) Unë i kam krahasuar shumat dhe del që ky fshat është më i anashkaluar. Për fshatin Sferkë thuhet se do të vazhdoj asfaltimi i rrugës që është bërë vetëm deri në hyrje të fshatit, nuk parashihen investimet në ujin e pijshëm. Kur jemi te drejtoria e SHPE synohet të blihet një kamion dhe ekskavator për shërbime publike që do të kushtoj te 50 mijë euro ndërsa tek planifikimi i prokurimit thuhet 80 mijë euro për këtë blerje. Unë mendoj që punët duhet të kryhen në mënyrë më cilësore dhe të shikohet mundësia që në disa fshatra që aknë mbetur mbrapa me investime, të investohet më shumë sepse edhe ata janë kontribut dhënës të komunës së Klinës.

z. Zenun Elezaj, kryetar: Për veturnat, viteve të fundit ne vazhdimisht kemi dërguar kërkesë në AQP asnjë veturne nuk e kemi blerë me prokurim tonin por në nivel qendror. Këtë vit po shikohet që të merren me qira veturnat por ne nuk kemi çmime tonat, ato i udhëheq AQP. Fshati Resnik ka një infrastrukturë të përfunduar, mund të ketë ndonjë rrugicë të vogël por unë vazhdimisht kam kérkuar edhe nga asamblistët që të vijnë dhe të hartojmë bashkë buxhetin dhe të fusim në buxhetin e ardhshëm të gjitha nevojat e fshatrave. Për Sferkë, ne kemi aplikuar me dy amendamente në Kuvendi n e Kosovës direkt tek komisioni parlamentar. Nuk e diji rezultatit. Me buxhet vetaqak është vlerë e madhe nuk mund at bëjmë. Për kamionetën ne kemi kontaktuar me donator sepse e kemi vështirë që të blejmë një ekskavator dhe një kamionetë të cilat janë shumë të nevojshme. E kemi një kërkesë tek një OJQ edhe për 100 mijë euro dhe nëse bëhet atëherë do të ndryshoj edhe plani i prokurimit. Sidoqoftë plani i prokurimit është në rregull, dhe nëse ka gabime në shifra atëherë është gabimi në drejtori.

z. Esat Raci: ne si grup i PDK e kemi dhënë fjalën tonë në seancën e shtatorit kur e kemi aprovuar buxhetin. Grupi ynë do të jetë në mbikëqyrje të vazhdueshme të të gjitha projekteve që do të realizohen.

z. Valmir Bacaj: Plani i punës së ekzekutivit për vitin 2024 është një plan që bazohet në nevojat dhe kërkesat e qytetarëve të Komunës së Klinës dhe është një plan që i ka kaluar të gjitha procedurat e nevojshme të dëgjimeve publike. Garanton rritjen e vazhdueshme të transparencës dhe llogaridhënieς. Ne e kemi votuar buxhetin dhe priorititetet për vitin 2024 me shumicë votash që d.m.th. janë marr për bazë edhe kërkesat e të gjithë asamblistëve pavarësisht pozitë apo opozitë. Ndoshta është një ndër komunat e vetme në Kosovë ku kryetari bashkëpunon ngushtë me të gjithë asamblistët.

Kryesuesi , z. Fadil Gashi tha se ka një kërkesë tek drejtoria e inspektoratit që pavarësisht angazhimeve të tjera që ka le ta ketë prioritet edhe ndalimin e konsumimit

të duhanit në hapësirat e mbyllura, dhe të filloj të implementohet ligji. Mos të themi se nuk është kompetencë sepse kompetencë e të gjithëve është.

z. Faruk Smajli, drejtor i inspektoratit: Nuk kemi mundur që ta fusim në plan pasi që nuk është kompetencë e inspektoratit por e AVUK.

z. Tunë Dedaj: Përshëndetje. Pajtohem shumë me ju kryesues sepse nuk ka gjë më të mirë se sa të angazhohen inspektorët rreth çështjes së pirjes së duhanit. Ne duhet të gjejmë zgjidhje. Pirja e duhanit nëpër lokale është e dëmshme, jemi duke i bërë dëme atyre që nuk konsumojnë duhanin.

z. Kolë Prenaj: Kompetentë janë inspektorët e Komunës, policia dhe ju informoj se këtë javë janë gjobitur shumë qytetarë që kanë konsumuar duhan brenda hapësirave të mbyllura.

z. Zafer Gashi: Është mirë që të ndërgjegjësohami dhe ne vet të denoncojmë.

Me 20 vota për 2 abstenime dhe asnje kundër U MIRATUA

Pika 9 e Rendit të Dites: Shqyrtimi dhe miratimi i planifikimit të prokurimit për vitin 2024.

Në këtë pikë të rendit të dites prezantoi zyrtari i prokurimit z. Labinot Morina i cili shpjegoj në detaje planifikimin e prokurimit.

z. Esat Raci pyeti se kush e bënë monitorimin e prokurimeve nëpër komuna dhe si ka dalë Komuna e Klinës në këtë monitorim si dhe planin e zbatueshmerisë a e ka bërë komuna e Klinës në plotësi.

z. Labinot Morina tregoj se monitorimin e bënë OJQ INPO e cila komunën e Klinës e ka nxjerr mirë.

z. Esat Raci më pastaj tha se sa i përket planifikimit komuna e Klinës është radhitë e para por në menaxhim dhe shpenzim komuna e Klinës ka dalë shumë keq. Zyrtari i Prokurimit tha se ajo është vetëm për gjashtë projekte. Fjalën e tij për planifikimin e prokurimit e tha edhe z. Valmir Bacaj i cili tha se meriton lëvdata zyra e prokurimit por edhe kryetari i Komunës që nuk ka ndërhy asnjëherë. Ndërsa z. Zafer Gashi tha se duhet lavdëruar veten gjithsesi. Ai tha se dëshiron të pyes zyrtarin për kontrata 65. Ndërtimi i infrastrukturës nëntokësore dhe mbitokësore në Poterq, Dugujevë dhe Drenoc. Artikulli tjetër ndërtimi i infrastrukturës taksore dhe nëntokësore në Krushevë e vogël , trotuari Klinë- Zllakuqan 45 mijë euro. Nuk e kam të qartë a mund te jetë ndonjë gabim tha z. Zafer Gashi. Z. Zafer Gashi vazhdoj duke thënë se ndërtimi i dy akumuluesve të ujit në vlerë prej 120 mijë euro, nuk e kuptoj a është fjala për liqene të reja apo është pjesë e shumës prej 850 mijë eurove ku pjesëmarrës është edhe hidrodrini. Tek artikulli nr. 73 si është e mundur të realizohet me vetëm 30 mijë euro projektet ndërtimi i ujësjellsit në lagjen Arbëria, Tikvesh, sheshi "Nënë Tereza", Dollc, Grabanicë, Gremnik. Z. Zafer Gashi vazhdoj tutje që të pyes për planifikime të ndryshme por në disa raste të tjera shprehu dakordimin me planifikimin.

z. Labinot Morina, zyra e prokurimit: Këto kanë ardhur nga njësitë kërkuese.

z. Zenun Elezaj, kryetar: Ligeni akumulues nuk ka të bëjë me projektin e fundërruesit. Do të bëhet që të ngritët niveli i argjinaturës në anën e drejtimit të qytetit që të mbrohet nga vërshimet por do të ketë edhe shteg të ecjeve, pra do të jetë edhe rekreativ.

Me 21 vota për 2 abstenim dhe asnje kundër u MIRATUA

Pika 10 e Rendit të Ditës: Shqyrtimi i raportit të punës së KKSB

Znj. Marqe Selmanaj, nënkyetare e komunës: Përshëndetje të gjithëve. Unë si zëvendës kryesuese e KKSB kam hartuar një raport të punës së KKSB për vitin 2023. Gjatë kësaj periudhe raportuese, parimi kryesor i KKSB-së ka qenë përqendrimi kryesisht në aktivitete për çështje të sigurisë, duke bashkëpunuar me policinë, qytetarët, forumet, organizatat e sigurisë, KLSP-të dhe përfaqësues të shoqërisë civile. Synimi ka qenë identifikimi dhe shqyrtimi i çështjeve lidhur me problemet e sigurisë në bashkësi, me qëllim zgjidjen konkrete të këtyre sfidave. KKSB-ja ka pasuar synimin identifikimin e dukurive negative që mund të prishin sigurinë publike, parandalimin e veprimeve që kërcënojnë sigurinë në bashkësi, eliminimin e dukurive të lidhura me natyrën e krimit, parregullsitë dhe sjelljet e dhunshme. Gjithashtu, ka qenë e përkushtuar për krijimin e një bashkëpunimi të qëndrueshëm me të gjitha komunitetet që jetojnë në territorin e komunës së Klinës. Nënkyetarja e komunës së Klinës, znj. Marqe Selmanaj, ka drejtuar takimet e Këshillit Komunal për Sigurinë në Bashkësi (KKSB), ku shqyrtohej plani i veprimit për vitin 2023, dinamika e punës, siguria në komunë, çështjet e arsimit, pajisjet me kamera në shkolla, mbrojtja nga zjarret, ndriçimi publik, qentë endacakë, dhe masa parandaluese për mjete piroteknike gjatë festave. Komandanti i policisë raportonte për sigurinë, ndërsa ka pasur bashkëpunim të lartë me komunën, KKSB-në, dhe komunitetet. Në diskutime janë përfshi anëtarë të KKSB-së, Këshilli i prindërve, OJQ-të, si dhe përfaqësues nga OSB-ja, KFOR-i, FSK-ja. Të gjitha çështjet u shqyrtuan nga përfaqësues kompetent të organeve komunale. Të gjitha kërkesat, vërejtjet, sugjerimet dhe ankesat e parashtruara nga pjesëmarrësit e KKSB-së, janë diskutuar, shqyrtuar nga përfaqësues kompetent të organeve komunale. Institucionet komunale, gjegjësisht drejtoritë përkatëse, kanë arritur të realizojnë projektet që ishin në lidhje me Planin e KKSB-së si, ndriçimin në shumë rrugë dhe lagje të planifikuara aty ku kanë munguar. Në disa pjesë të qytetit, drejtoria përkatëse ka ndërmarrë masa për rregullimin e ndriçimit në zonat me probleme të theksuara edhe aty ku paraqite rreziku për qytetarët.

- Ka vazduar vendosja e shenjave të komunikacionit në vendet ku kishin munguar dhe korrigjimi i vendosjes së shenjave gabim.
- Policia e Kosovës në bashkëpunim me Drejtorinë e Arsimit kanë punuar me nxënës në ngritjen e vetëdijesimit nga rreziku i përdorimit të narkotikëve dhe dukurive tjera negative.

- Policia e Kosovës dhe Inspektoret komunal kanë ndërmarrë masa kundër atyre që kanë rrezikuar sigurinë publike nëpërmjet komunikacionit dhe vjedhjeve, duke përfshirë zjarr vënien dhe dukuri tjera negative.
 - Anëtarë e KKSB-së kanë shpérndarë informacion për probleme të ndryshme dhe kanë ofruar ndihmën e tyre përkatëse duke njofuar drejtoritë përkatëse dhe ekzekutivin për problemet që mund të shkaktojnë rrezik për qytetarët e komunës sonë.
 - Policia bashkë me institucionet komunale janë angazhuar për shërbime komunale dhe sigurinë e bashkatdhetarëve që janë kthyer për pushime në vendlindje.
 - Është përfunduar vendosja e kamerave në të gjitha shkollat dhe disa pjesë të qytetit, tani mbeten të përkushtuar në servisimin dhe mirëmbajtjen e tyre.
 - Janë marrë masa parandaluese për përdorimin e mjeteve piroteknike gjatë festave të fund vitit. Gjatë vitit 2023 janë mbajtur të gjitha takimet e rregullta të KKSB-së, takimi i fundit mbahet më 19.12.2023. Materialet për takime janë dorëzuar me kohë anëtarëve dhe pjesëmarrësve të ftuar.
- z. Zafer Gashi shprehu falënderime dhe ishte i kënaqur me aktivitetet e KKSB në lidhje me vetëdijesimin e dëmeve nga përdorimi i drogave dhe devijimeve të tjerave. Ai tha se do të ishte mirë të na shpjegonit për iniciativën e këtij muaji që e keni marrur në lidhje me mbrojtjen e ambientit dhe do të doja që këto iniciativa të vazhdonin edhe në vitin 2024. Z. Gashi ishte i kënaqur me shenjat udhëzuese të vendosura por kërkoj që të ndërmerret diçka shtesë tek ura e Drinit tek rreth rrotullimi ku po bëhen shumë përplasje e ndeshje të makinave. Ai kërkoj që të vendoset një shtyllë ndriçuese.

Znj. Marqe Selmanaj, nënkyetare: Sa i përket temës së fundit, kryetari bashkë me drejtorinë përkatëse është duke e diskutuar mundësinë që ajo pjesë të ndriçohet. Ndërsa tema e tjera gjithsesi dërgohen nëpër drejtori përkatëse që të merren masa.

z. Zenun Elezaj, krytar: Në lidhje me ndriçimin tek ura e Drinit ne e kemi paraparë dhe e kemi vendosur që të vendose një shtyllë të gjatë ndriçuese por për këtë gjë duhet marrur leje nga Ministria përkatëse sepse duhet bërë prerja e asfaltit e ajo nuk është në kompetencë të Komunës. Kontrata është e gatshme dhe mendoj që brenda disa ditëve do të vendoset.

z. Kolë Prenaj: E përgëzoj për raport nënkyetaren. Ne si Asamblistë duhet të shqetësohem për disa gjera siç janë lokalet afariste pranë shkollave dhe frekuentimi i nxënësve. Pastaj përdorimi i lëndëve narkotikëve nga nxënësit, shtyllat e rrymës ku telat janë të zhveshura dhe rrezikojnë qytetarët. Është mirë që inspektorati dhe organet e tjera të bëjnë vizita dhe të ju përkushtohen pak më shumë. Po ashtu edhe duhet të menaxhohen mirë mbeturinat sanitare.

Znj. Marqe Selmanaj, nënkyetare: Anëtarë i KKSB është edhe komandanti i policisë i cili është mjaft i angazhuar dhe raporton gjithmonë në mbledhjet e këshillit.

Kryesuesi e falënderoj për reportin por në emrin e kuvendit dhe të tij kishte një kërkesë për kryetarin dhe nënkyetaren. Kryesuesi tha se nëse jo në seancën e janarit atëherë në seancën e shkurtit të bëhet një verifikim të anëtarëve të KKSBB se mos dikujt nga anëtarëve ju ka skaduar mandati për kë përfaqësojnë në këtë këshill.

Pika 11 e Rendit të Ditës: Shqyrtimi i raportit të Komitetit për Komunitete për vitin 2023.

Znj. Besiana Gashi, kryesuese e Komitetit për komunitete: Përshëndetje të gjithëve. Komiteti për Komunitete ka mbajtur takime të rregullta, ku janë trajtuar tema që lidhen me gjendjen e komuniteteve në komunën e Klinës. Gjithashtu shumë çështje me rëndësi janë shtruar gjatë mbledhjeve të komitetit nga anëtarët e komitetit. Gjatë angazhimit një vjeçar kemi ftuar të marrin pjesë drejtori të caktuara në takimet e Komitetit për Komunitete dhe të na informojnë rreth aktiviteteve të tyre, si dhe drejtorin e qendrës për punë sociale në Klinë. Kërkesa të ndryshme që janë drejtuar në Komitetin për Komunitete janë adresuar në drejtoritë e caktuara për zgjidhje të atij problemi, të tilla si: Kërkesë lidhur me fshatin Budisalcë; Shtrimi i rrugës të varrezave me gjatësi 700 metra zgjerimi i saj(zhavorr); Shtrimi i rrugës që lidh fshatin e cila ka mbetur pa e papërfunduar edhe 350 metra rruga me emër "Anton Qeta"; Ndriçimi i rrugës kryesore nga shkolla fillore Nënë Tereza deri tek shtëpia e fundit me gjatësi gjithsej 150 metra; Kyçja në ujërat e zeza, kanalizim të gjashtë(6) shtëpive(familja Krasniqi dhe Abazi). Kërkesë lidhur me fshatin Krushevë e Madhe; Shtrimi i dy rrugëve në Krushevë të madhe kryesisht në lagjen e Krasniqve, lagje e banuar me komunitetin rom. Kërkesë lidhur me fshatin Dollovë; Vazhdimi i projektit lidhur me ndriçimin, vazhdimi i ndriçimit në fshatin Dollovë. Kërkesë lidhur me fshatin Dresnik; Zgjerimi dhe shtrimi me zhavorr i rrugës në drejtim të varrezave tek familja Abazaj. Në Janar 2023, për shkak të vërvshimeve në Komunën e Klinës kemi vizituar vendbanimet e komuniteteve të cilat kishin pësuar dëme gjatë vërvshimeve. Me datë 16 Shkurt 2023, kemi realizuar vizitë në fshtatin Jagodë dhe Shtupel me qëllim të diskutimit rreth gjendjes së komuniteteve. Me datë 06 Mars 2023, takim në Komunën e Klinës me këshilltaren e Kryeministrit për Çështjet e Komuniteteve. Me datë 14 Mars 2023, vizitë në fshatin Rudicë tek familja Tallamishaj, si pasojë e një dëmi material(shtëpi e djegur). Me datë 14 Mars 2023, Istog, punëtori e organizuar nga Misioni i Organizatës për Siguri dhe Bashkëpunim në Evropë(OSBE) për anëtarët e komiteteve komunale vepruese të sapoformuara lidhur me zbatimin e Strategjisë për Avancimin e të Drejtave të Komuniteteve Rom dhe Ashkali, 2022-2026 si dhe Planit të Veprimit për vitet 2022-2024. Në muajin Prill, vizitë në fshatin Dresnik, diskutim rreth gjendjes së komuniteteve. Me 2 Maj 2023, Klinë, prezantimi i punës së Komitetit për Komunitete në Radio Alba. Në muajin Korrik, vizitë komunitetit serb dhe egjiptian, diskutim rreth gjendjes së komuniteteve në bashkëpunim me OSBE, Zyrën për Komunitete dhe Kthim dhe anëtarët e Komitetit për Komunitete në Komunën e Gjakovës. -Me 2 Tetor 2023, vizitë në Qendrën Mësimore në Brekoc dhe në lokalitetin e banuar nga komunitetet jo-shumicë në lagjen Ali Ibra, Gjakovë qëllimi i kësaj vizite u mbështet nga misioni OSBE-së në Kosovë. Me datë 23 nëntor 2023, Gjakovë, përmbyllja e "Programi i binjakëzimit për mekanizmat komunal për pjesëmarje

“të komuniteteve” e cili është mundësuar nga OSBE gjatë këtij viti me pjesëmarrje aktive (pjesëmarrje në mbledhjet e KK-së, vizita të vendbanimeve të komuniteteve) të anëtarëve të Komitetit për Komunitetet në Komunën e Klinës në bashkëpunim me anëtarët e Komitetit për Komunitetet në Komunën e Gjakovës. Me datë 29 Nëntor 2023, tryzë e rrumbullakët për të shqyrtaur aktivitetet e KK-së, praktikat më të mira dhe sfidat gjatë vitit 2023, e organizuar nga Zyra Rajonale e OSBE-së në Pejë. Komiteti për Komunitetet është i angazhuar që brenda kompetencave që ka të trajtoj çdo temë që lidhet me problemet e komuniteteve që jetojnë në komunën e Klinës. Gjithashtu në fund të këtij raporti shprehu shqetësimin tim dhe të anëtarëve të këtij komiteti për mos pagesën e mëditjeve të disa anëtarëve të komitetit. Këtë problematikë e kemi diskutuar edhe me kryetarin e komunës, kryesuesin e kuvendit, drejtorin e financave dhe institucionet të tjera relevante por akoma deri me tani nuk është bërë zgjidhja. I bëjë thirrje Ministrisë përkatëse që të shqyrtoj kërkesat tona që jua kemi dërguar disa herë dhe në afat sa me të shpejt të bëjë një zgjidhje për këtë problematikë që si duket e ka sjellë ligji i ri për paga dhe mëditje.

Kryesuesi tha se i erdhi mirë për pjesën e fundit ku kryesuesja i drejtohet edhe ministrisë përkatëse për problemin e mëditjeve që disa anëtarë të këtij komiteti nuk po i marrin që nga futja në fuqi e ligjit të ri të pagave. Ai tha se nuk ka munguar as angazhimi personal i tij në këtë drejtim duke i adresuar shkresa të herë pas hershme.

Pika 12 e Redit të Dites: Shqyrtimi i propozimit për faljen e qirave komunale sipas propozimit të drejtorisë për Financa dhe zhvillim.

z. Enver Berisha, drejtor i FEZH: Të nderuar të pranishëm. Duke e pasur parasysh gjendjen e vështirësuar të kategorive të caktuara dhe duke e pas parasysh që këtë vit këto kategori nuk janë subvencionuar, bazuar edhe në ligjin e vetëqeverisjes lokale, atë të pushtetit lokal, kompetencat e qeverisë lokale ne kemi bërë një propozim së pari në bordin e drejtorëve nga ku e kemi marrë dakordimin që të i drejtohem asamblesë komunale për faljen e borxheve të kategorive të caktuara. Kategoria e rasteve sociale që do tu falet borxhi për një vit me kushtin që obligimet e tjera të i përmbushin. Ajo familje që përmbush obligimin në raport me qiranë që ka do të u falet borxhi për një vit. Pra, bëhet fjalë për banesat që i ka dhënë komuna me qira. Pjesa e dytë që ka qenë edhe rekomandim i auditorit të jashtëm për disa hapësira publike, disa kioska që nuk ekzistojnë më dhe objekte që kanë qenë të rrënuara më herët të u falet ajo pjesë për të cilën më ato nuk ekzistojnë. Vlera totale e këtyre obligimeve që ne mendojmë të i lironjmë: Për lokale të rrënuara më herët e që borxhi ka mbetur akoma në regjistrat tonë është 18 mijë e 8676 euro. Për banesat, banesat sociale dhe kategoritë e luftës, borxhi për një vit është 31 mijë e 391 euro. Për hapësirat publike është vlera 14 mijë e 666 euro. Në total borxhi ne mendojmë të i lironjmë është 64 mijë e 934 euro. Këto ishin orientimet qe ne kishim planifikuar të i prezantojmë para juve. Ne regjistrat për falje të borxheve kanë qenë edhe dy familjarë, është z. Ekrem Raci që ka një lokal nga AKP por me kërkesën e tij është tërheq sepse ka paqartësitë e veta me AKP dhe është në proces gjyqësor dhe rasti i dytë është tregu i gjelbër që në atë kohë shfrytëzues i atij

tregu ka qenë z. Hysni Elshani dhe i cili është në proces gjyqësor, ku pa pas një vendim të prerë të gjykatave ne nuk mund të procedojmë.

Kryesuesi tha se edhe nga kjo që tha drejtori edhe nga ajo që kemi para vetes ne, nuk ka dallim në falje por është kushti dhe s` ka pardon. Tek lokalet afariste është mirë që të potencohet se në vitin që hynë të shkohet edhe një herë dhe të shihet që nëse s` ka gatishmëri dhe janë të mbyllur të ju shkëputen ato kontrata sepse edhe po krijohen stoqe, edhe po ndikon tek performanca e jonë. Për vitin tjetër është mirë të mendohet se këso falje nuk mund të bëhen në pafundësi. Fjala është që të falet borxhi i 2023 me kusht që të paguhet borxhi tjetër paraprakisht. Kemi tre regjistra para vetes. Regjistri i parë është i banesave sociale, i dyti i shfrytëzimit të lokaleve dhe i treti i Hapësirave publike. Tek hapësirat publike bëhet falja e përgjithshme sepse janë borxhe të vogëla.

z. Zenun Elezaj, kryetar: Është edhe rekomandimi i auditorit gjeneral që disa borxhe të vjetra të ju bëhet zgjidhje. Me kushtin që po themi ne besoj që jua marrim të drejtën dhe ndërpemë kontratën për disa objekte që janë si shembull kioska ose objekte të rrënuara. Qëllimi është që të shlyhen këto borxhe të vjetra, të pastrohem që nga viti i ardhshëm të mos i ngarkojmë dhe të mos figurojnë më si borxhe.

Kryesuesi tha se shfrytëzuesit e lokaleve dhe banesave që janë zero me borxhe, atyre ju llogaritet parapagim për vitin vijues.

z. Esat Raci: Këtë të fundit që e thatë desha të pyes, Pra do të behet rimbursim, parapagim për personat që nuk kanë borxhe.

Kryesuesi propozoj që z. Esat Raci, Zafer Gashi, ai vet d.m.th. Fadil Gashi, Ilir Hoti, Tunë Dedaj, Shukrije Shala, Arben Limanaj dhe duhet ta lëshojmë seancën sepse është konflikt interesit.

Z. Zafer Gashi tha se ka diskutuar edhe me z. Ajet Sejdiu dhe ka pyetur se nga ka dalë emri i tij aty sepse asnjëherë nuk ka shfrytëzuar asnjë prone publike. Është zyrtari këtu dhe mund të jua thotë se nuk din kush ja ka qit emrin e tij. Është vendosur gabimisht emri i tij thotë z. Zafer Gashi dhe vazhdon duke thënë se s` ka nevojë të dalë ai për më shumë ka shumë çka të diskutoj për këtë temë. Ndërsa kryesuesi tha se z. Zafer Gashi e ka emrin aty prandaj duhet ta liroj seancën nëse nuk dëshiron të krijoj konflikt interesit dhe se kjo sqarohet më pastaj. Nëse donë mund të rrijë por bart përgjegjësinë. Tani në vendin e tij duhet të ulet z. Valmir Bacaj dhe të udhëheq seancën përfundon z. Fadil Gashi, kryesues. Z. Zafer Gashi tha se në pikën e rendit të ditës nuk thotë se do të votohet por vetëm do të shqyrtohet. Kryetari tha se është mirë të dilni nga seanca sepse me këtë akt juridik do të pastrohen shumë listat e borxheve. Nuk pastrohet dhe nuk hiqet emri nga lista ndryshe.

z. Valmir Bacaj, merr kryesimin e seancës. Ndërsa të lartshënuarit dalin nga mbledhja e kuvendit.

z. Kushtrim Haliti: E kam pa listën e shfrytëzuesve të lokaleve që kish 150 metra katror ose 220 metra katror, disa nga ato lokale janë duke punuar por nuk janë ata që i

kanë emrat këtu por i kanë dhënë me qira. S'di qysh me jua falë borxhin atyre kur ata hyjnë borxh në Komunë dhe në anën tjetër përfiton nga qiraja që e ka dhënë lokalini. Po përfitojnë nga dy anë me këtë rast. Për banesat mendoj që është mirë që QPS të shkoj në qendrën e statistikave dhe të i merr të dhënat për ekonomitë familjare. Nuk do të përmend emra por vetëm shifra. Shembull tek lista e parë, nr. 1 i ka 2464 euro borxh. Ky person i ka tre djem dhe të tretë i ka jashtë vendi. Kur vijnë ata për pushime në fund të vitit vijnë me makinë të 100 mijë eurove e ne me i falë borxh s'di sa është e arsyeshme.

- z. Haliti vazhdoj tutje duke përmendur edhe persona të tjera që sipas tij nuk e meritojnë që të ju falet borxhi. Z. Haliti tha se edhe tek objekti i Benitës janë të vendosur vetëm 8 emra të përfituesve të banesave por që dy emra mungojnë.
- z. Zenun Elezaj, kryetar: Behet fjalë për falje të borxhit vetëm për një vit për kategorinë caktuara jo i tërë borxhi. Kjo po bëhet vetëm me kusht që të paguajnë borxhin tjetër që e aknë. Po ashtu disa që kanë një lokal që është pronë e AKP gjithmonë është ngarkuar me vlerën e qirasë ndërsa objekti është i AKP, drejtoria pa një akt juridik pa një vendim nuk ka të drejtë që të ju heq këtë obligim. Qëllimi është që të ju ndihmohet e të mos ngarkohen pa të drejtë. Unë do ta formoj një komision dhe do ta vlerësoj gjendjen sociale të çdo shfrytëzuesi nga kategoritë sociale dhe nëse shihet se nuk është rast social do të ju merret lokal ose banesa.
- z. Kushtrim Haliti: Ky është viti i tretë që po falim borxhet dhe ne jemi duke i mësuar ata që të mos i paguajnë borxhet që kanë ndaj komune.
- z. Zenun Elezaj, kryetar: Do të jetë një pikë e vendimit që të gjithë ata që nuk e paguajnë borxhin tjetër ju merret e drejta e shfrytëzimit. Kjo ka me i shtyj që të paguajnë obligimin e borxhit komplekt. Kjo do të bëhet në bazë të vendimit që ju do të merrni. Është një vendim i vështir por duhet ta dinë që nuk mund të i shfrytëzojnë banesat ose lokalet nëse nuk paguajnë borxhin që kanë.
- Në lidhje me mungesën e dy emrave që tha z. Haliti, kryetari tha se falja e borxheve nuk bëhet me emra por për kategoritë, nëse ka ndonjë gabim teknik nuk do të pengojë pasi që vendimi merret në parim.
- Znj. Besiana Gashi: Unë propozoj që mos të ju falet borxhi atyre që kanë mundësi të paguajnë por nuk e bëjnë. Një listë e marrë nga QPS do ta sqaronte mirë se cilët janë personat shfrytëzues që është e nevojshme të ju falet borxhi. Do të ishte e drejtë që këtyre personave të ju shlyhen edhe borxhet e më parshme. Nëse kjo nuk mund të behët atëherë të formohet një komision që do të pastroj listat dhe të dihet se kush janë vetëm kategoritë e nevojshme për falje.
- z. Zenun Elezaj, kryetar: Nga viti i ardhshëm do të ndajmë një vlerë bashkë me kuvendin dhe të aplikojnë kategoritë sociale për subvencionim.
- z. Valmir Bacaj, kryesues: Të gjitha ato që i tha znj. Besiana Gashi janë të specifikuara në këtë vendim që do ta marrim .

- z. Kushtrim Haliti:** Nuk isha në fillim i sinqaruar mirë, mendova se do të falen borxhet totale.
- z. Valmir Bacaj, kryesues:** Edhe një sinqarim. Borxhi total do të falet vetëm për hapësirat publike që janë në shfrytëzim ndërsa për të tjerat do të falet borxhi për një vit (2023) me kusht që të paguhet borxhi tjeter i mbetur në total.
- z. Asdren Ramadani:** E kemi diskutuar në KPF dhe jemi dakord që të ju falet borxhi ashtu siç u tha. Por për lokalet e rrënuara a do të ju falet në total?
- z. Valmira Krasniqi:** Përshëndetje. Unë propozoj që të i ndajmë veç e veç për votim e të mos i fusim të tre regjistrat në një pak. Për arsyen sepse unë për banesat sociale jam pro faljeve ndërsa për dy regjistrat e tjerë jam kundër sepse është borxh i madh që duhet falur.
- z. Zenun Elezaj, kryetar:** Nuk bëhet falja për lokale por vetëm për kategoritë sociale dhe ato të luftës. Për hapësirat publike qëllimi është vetëm që të ju shlyhet emri sepse janë zero borxh.
- Me 15 vota për, një abstenim (Valmira Krasniqi) dhe asnjë kundër U MIRATUA.**
- Pika 13 e Rendit të Ditës: Raportimi i kryetarit të Komunës për rrjedhat e qeverisjes, të arriturat, vështirësitë dhe investimet kapitale në gjashtë mujorin e dytë të vitit 2023.**
- z. Zenun Elezaj, kryetar:** Lidhur me ecuritë e zhvillimit të këtij viti buxhetore janë të gjitha ato vendime që kanë qenë pjesë e këtij suksesi. Që nga fillimi i viti buxhetor janë marrë të gjitha masat e shpalljeve të procedurave të prokurimit. Vështirësitë kanë qenë evidente duke pasur parasysh edhe vështirësitë dhe vonesat e bartjeve të mjeteve nga të hyrat vetanake pastaj alokimi i mjeteve dhe anulimi i disa procedurave të projekteve dhe këto kanë ndikuar sadopak në realizimin e parametrave buxhetor. Nga kategoria paga dhe mëditje jemi në realizim 100%. Nga kategoria e shpenzimeve kapitale janë shpenzuar 73.7%, nga kategoria mallrave shërbime janë shpenzuar 93.83 %, nga kategoria subvencione dhe transfere janë shpenzuar 90.21% , nga kategoria shpenzime komunale 96.90%. Siç shihet nga këto shifra jemi për pak me e kaluar minimumin e nevojshëm 75% të investimeve kapitale, shpresojmë që në vijimësi pagesat edhe sot edhe të martën dhe të jemi edhe në kategorinë e kapitale tek 80%. Për çdo detaj do të informohemi edhe në raportin financier për vitin 2023 që do ta merrni në vitin e ardhshëm. Besoj që është një realizim i mirë i buxhetit më gjithë vështirësitë që kemi pasur. Janë disa projekte më të mëdha për të cilat nuk kemi mundur të lidhim kontratat akoma siç është shtëpia e pleqve dhe fundërruesi me të cilat do të ballafaqohemi në vitin e ardhshëm Ku edhe do të bëhen bartje të mjeteve.
- z. Zafer Gashi:** Edhe një herë kërkoj nga kryetari që mos të më përmendet emri si shfrytëzues i pronave publike sepse e sinqarova edhe me zyrtarin adekuat. Nëse del ndonjë borxh që unë nuk e kam paguar atëherë keni të drejtë.

z. Zenun Elezaj, kryetar: Unë në asnë rast nuk e kam thënë se ke borxh Zafer. Por për me e heq emrin duhet një akt juridik. Njëjtë sikurse ti është edhe Tunë Dedaj me zero borxhe.

z. Zafer Gashi: Po vazhdoj me raportin financier. Përkundër asaj që prezantoj kryetari, gjendja në teren le shumë për të dëshiruar. Uji i pijes është projekt kryesor dhe këtu duhet të fokusoheni sepse është produkt jetik jetësor. Kohëve të fundit nuk po ju dëgjo që përmendni donatorët sikurse që e bënë më herët. Kërkoi nga ju si kryetar i Komunës që ta vërtetoni atë që keni thënë se jeni kundër ndërtimit të fabrikës së cimentos, se jeni me vendimet e asamblesë komunale. Ju lutem tërhojni lejen e ndërtimit. Ne do të diskutojmë në të ndryshme prandaj ju kisha lutë që të vazhdohet me një aktivitet më të madh të punës sipas planifikimit të prokurimit.

z. Zenun Elezaj, kryetar: Ndoshta nuk e teproj por projekti i ujit këtë vit ka hyrë në fazën e realizimit. Kam informata se do të mbështet edhe faza e dytë nga qeveria pasi që është zotim i sajë. Ne kemi investuar këtë vit shumë në projektet e lumenjve që të parandalojmë vërshimet e lagjeve. Në lagjen e Dukagjinit sidomos. Normal qe mua më duhet bashkëpunim shumë i madh me ju dhe qytetarët gjë që unë jam i hapur gjithmonë. Është përkushtim imi dhe do të punojmë shumë që ta zgjidhim problemin e ujit të pijshëm. Vazhdimi shumë i pasur telashe për shkak të buxhetit e nganjëherë edhe nga projekti. Është bërë projekti i ujit të pijes nga Ministria e zhvillimit ekonomik, nga një kompani që ata e kanë kontraktuar pastaj projekti është reviduar. Nuk është e lehtë as për mua që të marr një vendim se në cilin drejtim të shkohet për zgjidhjen e kësaj çështjeje të rëndësishme. Po bëjmë përpjekje që të paktën qyteti të ketë ujë në verën e viti të ardhshëm.

z. Tunë Dedaj: Unë e morra fjalën që të falënderoj shumë kryetar për të gjitha punët që i keni kryer dhe për ato që do të i kryeni. Po e shfrytëzoj rastin që të jua uroj të gjithë shqiptarëve të jua uroj krishtlindjet dhe vitin e ri.

Pika 14 e Rendit të Ditës: Pyetje dhe Përgjigje

z. Kolë Prenaj: Tek ndriçimi publik është bërë një dekorim i mirë, është mirë që edhe në zonat rurale të bëhet ky ndriçim i mirë të paktën për festa.

z. Fadil Gashi, kryesues: Më lejoni që të bëjë një sqarim për z. Zafer Gashi në lidhje me vendimin për fabrikën e cimentos që ishte në fillim të seancës. Pala e interesuar ka ankuar në gjykatë të apelit, gjykata e apelit e ka kthyer në rishqyrtim. Tani ne do të presim rishqyrtimin dhe nuk mund të bëjmëasnë debat. Ky është një sqarim zyrtar.

z. Zafer Gashi: Ju falënderoj për këto informacione. Prap për herë të fundit po jua bëjë me dije pa kurrfarë presioni. Ne lëndën e kemi të gatshme, kemi pritur që të kemi dëshmi të incizuar sikurse edhe këtë përgjigje të sotme dhe do ta dërgojmë në prokurori që të shohim se a është vepruar mirë duke kaluar afatet prej gushti kur ka ardhur vendimi i gjykatës themelore.

- z. Enver Bersha, drejtor i Urbanizimit:** I nderuar Zafer, procesi ka kaluar në rishikim dhe ne nuk mund të marrim asnjë veprim pa ardhur një vendim i prerë nga gjykatat. Unë e kam zyrtare këtë kur të doni mund të vini dhe ta merrni dokumentin.
- z. Arta Pantina:** Të nderuar. Kam një kërkesë për fshatin Gllarevë që të pastrohen rrugët nga barishtet nga kalojnë nxënësit dhe banorët në mënyrë që mos të detyrohen që të ecin në rrugë ku rezikojnë që të shtypen nga makinat ashtu siç ka ndodhur kur është goditur nxënësi nga makina dhe ka pësuar lëndime. Sidomos të pastrohen rrugët "Mustafë Pantina" dhe rrugën "Ahmet Pantina".
- z. Enver Berisha, drejtor i Urbanizimit:** Do të doja të dija nëse janë rrugë lokale apo rrugë kryesore. Në rrugë kryesore nuk kemi të drejt të ndërhyjmë. Për rrugët lokale do ti shohim mundësitë që në vitin e ardhshëm të marrim masat e nevojshme.
- Znj. Blerina Berisha:** Unë dëshiroi që të pyes drejtorin e arsimit. Autobusi që i bartë nxënësit e fshatit Qupevë – Volljakë ka dy javë që nuk qarkullon më , arsyen pse nuk vjen me i marrë nxënësit më?
- z. Qemajl Sejdiu, drejtor i DKA:** Është hera e parë që e marrë këtë informacion. Pas kësaj seance do ta shohim ku është problemi dhe besoj që do ta zgjidhim.
- Znj. Marigona Raci:** Kam një pyetje për drejtorin e shërbimeve publike: Pse qytetarët e Komunës sonë po shfrytëzohen për tarifën e ujit të pijshëm pasi që ende nuk kemi ujë të pijshëm. Pse nuk ngarkohen me tarifa për ujë të higjenës? Kam edhe një pyetje për drejtorin e Shëndetësisë: Ne sektorin publik Kujdesi primar është i organizuar në 15 objekte shëndetësore. Në çfarë cilësie e marrin shërbimin shëndetësor qytetarët pasi që mungojnë barnat e listës esenciale e shumë herë edhe mungesë të mjekëve?
- z. Qendrim Millaku, drejtor i SHPE:** Në ato zonat ku po kemi vështirësi me ujë po presim që ta lëshojmë projektin e CDI. Për pagesat është mirë të i drejtohet Hidrodrinitë nëse ka mundësi që të lirohen nga pagesa ata persona që nuk kanë furnizim. Të shihet mundësia ligjore. Kam një përgjigje për pyetjen nga seanca e kaluar për rrjetin e ujësjellësit në Gjurgjevik të Madh. Është bërë testimi i ujësjellësit de ka dalë me sukses por furnizimi nuk është lëshuar akoma për shkak se nuk është bërë pranimi i Trafos elektrike tek pusi i Jarinës me arsyetimin se KEDS po kërkon që investimin që e ka bërë Hidrodrini në atë pjesë të i kaloj në pronësi. Gjë që po kundërshtohet nga Hidrodrini që është edhe e drejtë. Shpresoj që nuk shkon kjo çështje në Gjykatë sepse mund të vonohet procesi. Rruga në Shtupel, kemi ndërhy në rregullimin me zhavorr. Diga në Grabanicë kemi ndërhy me gurë. Pyetjet e Kushtimit për pagesat e vërvshimeve: Janë bërë pagesat në ekonomitë familjare dhe po vazhdohet me pagesat në ekonomi dhe biznese. Ndriçimi në Përqevë: Është bërë djegia e njehsorit dhe me këtë punë po merret Policia. Ndriçimi aty për momentin është funksional.
- Drejtori z. Millaku reagoj edhe ndaj një statusi të znj. Valmira Krasniqi ku për këtë pati kundër reagim nga zonja Krasniqi. Debatit në mes të zonjës Krasniqi dhe drejtorit Millaku vazhdoj me disa sekuenca reagim dhe kundër reagim në lidhje me takimin e

banorëve të një lagjeje që znj. Krasniqi thotë se janë takuar disa herë ndërsa drejtori e thotë të kundërtën.

z. Agron Bacaj, drejtor i shëndetësisë: Znj. Mrigona është e vërtetë që QKMF është duke u ballafaquar me mungesë të mjekëve sepse një numër i mjekëve kanë fituar të drejtën e specializimit dhe ne nuk kemi të drejtë që të i zëvendësojmë ata. Kemi rekrutuar tre mjekë dhe jemi në fazën e shpalljes së konkursit edhe për dy mjekë të tjera. Sa i përket furnizimit me barna është shqetësuese sidomos nga lista esenciale që vjen nga Ministria. Kemi pretime nga Ministria që nga viti i ardhshëm të ndryshoj pozitivisht furnizimi me barna .

z. Asdren Ramadani: Kam një pyetje për zotin Millaku. Kam vërejtje sa i përket dritave dekorative të cilat gjithmonë mungojnë nga sheshi "Nënë Tereza" në drejtim të QKMF-së. Po ashtu ndriçimi publik në rrugën "Abedin Rexha" 80% të dritave mungojnë.

z. Qendrim Millaku, drejtor i SHPE: Ne kur e kemi votuar buxhetin i kemi ndarë 50 mijë euro për dekorim ndriçues për tre vjet. Ne mund të ndajmë akoma më shumë mjete dhe të vazhdojmë edhe në pjesën që e theksuat. Sa i përket kompanisë së ndriçimit kam disa vërejtje, jua kam bërë disa vërejtje dhe nëse edhe një vërejtje jua bëjë do të jua ndërpemë kontratën. Nuk jam i kënaqur fare me punën e kompanisë por ta shohim mundësinë se si po ecë puna.

z. Esat Raci: Kam një pyetje për drejtorin e arsimit: A jeni të njoftuar se në disa klasa të shkollës së mesme "Luigj Gurakuqi" nuk mund të mbahet mësim në klasë por në ambiente të tjera aspak të përshtatshme për procesin mësimor? Kjo si shkak i rrjedhjes së antifrizit nga gypat e ngrohjes dhe erës së rëndë që lirohet. Kjo gjendje është që kur janë ndezur ngrohjet nëpër klasa më shumë se tre javë dhe nuk është intervenuar për ta sajuar këtë. Për kryetarin e Komunës: Dy vjet radhazi punëtorët e administratës së Komunës i kanë marrë shujtat me një vendim të këtij Kuvendi. Këtë vit ekskluzivisht kryetari i komunës nuk ka pranuar që të jua jep shujtat punëtorëve bazuar në atë vendim. Gjykata themelore e ka kthyer në favor të punëtorëve. Pse nuk jua dhen paratë për shujta punëtorëve të administratës kryetar? Pse e bëre ankesën në gjykatën e apelit? Nëse vendimi i këtij kuvendi ka qenë i paligjshëm atëherë duhet të japësh llogari pse i ke dhënë dy vjet radhazi shujtat me një vendim të paligjshëm.

z. Qemajl Sejdiu, drejtor i DKA: Po është e vërtetë se kohëve të fundit është një ankesë dhe besoj që shumë shpejt do të eliminohet defekti.

z. Zenun Elezaj, kryetar: Në lidhje me pagesat e shujtave ne i kemi punuar listat dhe i kemi dërguar në thesar por thesari nuk i ka ekzekutuar shkaku i vendimit të paligjshëm. Nuk është faji i kryetarit. Unë kam kërkuar nga sindikatat që mos të shkohet përmes gjykatave pasi që do të bëjmë përpjekje që të kryejmë pagesat por ata kanë shkuar përmes gjykatave dhe tani duhet të presim se çfarë vendosin gjykatat. Jemi në një situatë shumë të vështirë shkaku i marrëveshjes kolektive. Ne do të gjendemi në një situatë shumë të vështirë vitin e ardhshëm kur do të detyrohem i të bëjmë pagesat për mësimdhënësit. Pejës ju kanë marr 4 milion euro e do të na merren edhe neve. Qeveria

nuk e pranon sepse edhe tani i kemi dërguar listat për një pjesë të mësimdhënësve për pagese në ndërkokë që gjykata supreme ka dhënë një rekandim që të ju paguhet. Unë jam shumë më i vullnetshëm që të ju paguaj shujtat punëtorëve të administratës se sa Sindikata.

z. Esat Raci: Në qoftë se e keni pasur vullnetin që të ju paguani pas vendimit të themelores nuk është dashur që të bëni apelimin. Për mua është e papranueshëm ky apelim.

z. Zenun Elezaj, kryetar: E thashë se ne e kemi dërguar listën për pagesë por në shqyrtimin e parë të gjykatës na është kthyer gjë që unë nuk kam mundur që ta anashkaloj atë. Zyrtari ligjor ka bërë ankesë në apel unë nuk mund të interferoj në zyrën ligjore sepse nuk i jam i asaj fushe. Nuk besoj që je as ti Esat më shumë se sa unë në përkrahje të punëtorëve të administratës.

z. Tunë Dedaj: Kam një kërkesë për drejtorin e inspektoratit. Firma që ka punuar tek Kisha në Deiq e ka marr dheun dhe e ka hedhur në parking. Kam biseduar me drejtorin e firmës që të largohet dhei dhe ai ka premtuar disa herë që do ta heq por nuk e ka bërë.

z. Faruk Smajli, drejtor i inspektoratit: Kërkesën tuaj e pranova dhe do të dërgohen inspektorët në atë vend.

z. Zafer Gashi: Kam një pyetje. Banorët e lagjes Rudaj në Gremnik thonë se të gjitha rrugët në fshat janë rregulluar përveç kësaj lagjeje. Për drejtorin e Bujqësisë: A dilni në teren kur e bëni listën e shpërndarjes së mjeteve të bujqësisë sepse herën e fundit e ka bërë nga zyra.

z. Enver Berisha, drejtor i Urbanizmit: Sa për informatë projektin e shtesë duke vazhduar në fshatin Gremnik. Më gjëzon fakti që thua se ka mbetur vetëm një rrugë. Kemi 15 mijë euro për atë pjesë pasi që aq kemi buxhet.

Kryesuesi i falënderoj të gjithë për kontributin e dhënë në këtë mbledhje dhe duke uruar të gjithë besimtarët e krishterë për festën e Krishtlindjes dhe gjithë qytetarëve vitin e ri i përfundoj punimet e kësaj seance të fundit për vitin 2023.

Procesmbajtës:

Skënder Behramaj



Kryesues:

Fadil Gashi